

“TASDIQLANGAN”
“Turonbank” ATB Kengashining
2022-yil « 04 » oktyabr-dagi
85/9 -sonli Qarori

“MA’QULLANGAN”
“Turonbank” ATB Boshqaruvining
2022-yil « 03 » oktyabr-dagi
85/9 -sonli Qarori

№ 985

**“TURONBANK” ATB
KUZATUV KENGASHI HUZURIDAGI
KORRUPSIYAGA QARSHI KURASHISH
VA ETIKA QO‘MITASI TO‘G‘RISIDA
N I Z O M**

Toshkent shahar - 2022 yil

I. Umumiy koidalar

1.1. Mazkur Nizom (keyingi o'rinlarda – Nizom) “Aksiyadorlik Banklari va aksiyadorlarning xuquqlarini himoya qilish to'g'risida”gi O'zbekiston Respublikasining Qonuniga, O'zbekiston Respublikasi Prezidentining “Tadbirkorlik muhitini yaxshilash va xususiy sektorni rivojlantirish orqali barqaror iqtisodiy o'sish uchun shart-sharoitlar yaratish borasidagi navbatdagi islohotlar to'g'risida”gi 2022-yil 8-apreldagi PF-101-son Farmoniga, Vazirlar Mahkamasining “2021-2025-yillarda davlat ishtirokidagi korxonalarni boshqarish va isloh qilish strategiyasini tasdiqlash to'g'risida”gi 2021-yil 29-martdagi 166-son qarorining 1-ilovasi bilan tasdiqlangan “2021 - 2025-yillarda davlat ishtirokidagi korxonalarni boshqarish va isloh qilish strategiyasiga, “Turonbank” aksiyadorlik tijorat banki (keyingi o'rinlarda – bank) ustaviga, Korporativ boshqaruv kodeksiga, Kuzatuv kengashi to'g'risidagi Nizomga va boshqa normativ-huquqiy hujjatlarga muvofiq ishlab chiqilgan bo'lib, Bank Kuzatuv kengashi huzuridagi Korrupsiyaga qarshi kurashish va etika qo'mitasining (keyingi o'rinlarda – Qo'mita) huquqiy maqomini, tarkibini, vakolatlarini va uning ishlash tartibini belgilaydi.

1.2. Bankning korrupsiyaga qarshi kurashish bo'yicha eng muhim masalalarni ko'rib chiqish va Bankning Kuzatuv kengashiga tavsiyalar tayyorlash uchun Bank Kuzatuv kengashining qarori asosida Qo'mita tashkil etiladi. Qo'mita Bank Kuzatuv kengashining doimiy faoliyat yurituvchi ishchi organi hisoblanadi.

1.3. Qo'mita bank va Bank aksiyadorlari manfaatlarini ko'zlab ish olib boradi, xususan, Komplayens-nazorat xizmati - korrupsiyaga qarshi ichki nazorat tizimi va etika masalalarini to'g'ri tashkil etishda hamda ushbu sohalarda halqaro sifat nazorati standartlarini joriy etishda Kuzatuv kengashi vakolatlari doirasida amaliy yordam ko'rsatadi.

1.4. Qo'mita Bank Kuzatuv kengashiga to'liq hisobdordir va mazkur Nizomga muvofiq Bank Kuzatuv kengashi tomonidan unga beriladigan vakolatlar doirasida ish olib boradi. Qo'mita qarorlari Bank Kuzatuv kengashi uchun tavsiyaviy xarakterga ega bo'ladi.

1.5. Qo'mita o'z faoliyatida O'zbekiston Respublikasi Qonunchiligiga, Bank Ustaviga, Bank Kuzatuv kengashi to'g'risidagi Nizomga, Bank Kuzatuv kengashi qarorlariga, mazkur Nizomga va boshqa ichki hujjatlarga amal qiladi.

1.6. Qo'mita faoliyatini moliyalashtirish Bank mablag'lari hisobidan Kuzatuv kengashi bilan kelishilgan holda amalga oshiriladi. Zarur hollarda, Qo'mita harajatlar smetasini tuzadi va u Kuzatuv kengashi tomonidan tasdiqlanadi.

1.7. Mazkur Nizomda belgilanmagan atamalar amaldagi Bank Ustavida va Bank Kuzatuv kengashi to'g'risidagi Nizomga, Bankning boshqa ichki me'yoriy hujjatlarida keltirilgan ma'noda foydalaniladi.

II. Qo'mitaning maqsad va vazifalari

2.1 Qo'mita Bankda samarali iqtisodiy xavfsizlik tizimi, ya'ni ichki nazorat, firibgarlikka, pora olishga qarshi kurashish, amaldagi qonunchilikni buzish bilan bog'liq suiste'mollikning oldini olish va quyidagi masalalar bo'yicha Bank Kuzatuv kengashiga tavsiyalar ishlab chiqish, tahlil qilish va taqdim etishdan iborat:

- komplayens-xatarlar, xalqaro standartlar va korrupsiyaga qarshi kurashish, manfaatlar to'qnashuvi va boshqa umumiy masalalar;
- moliyaviy komplayens sohasidagi masalalar;
- huquqiy komplayens (due diligence) sohasidagi masalalar;
- monopoliyaga qarshi kurashish komplayens sohasidagi masalalar;

- etika masalalari;
- Bank Kuzatuv kengashining vakolatlariga taalluqli boshqa masalalar.

2.2 Qo'mita o'z vakolatiga muvofiq faoliyatni amalga oshirib, Bankning Kuzatuv kengashi, Bank Boshqaruvi va tegishli tarkibiy bo'linmalari bilan hamkorlikda ish olib boradi.

III. Qo'mita vakolatlari

3.1 Bank Kuzatuv kengashi a'zolariga yuklatilgan vazifalarni bajarishda ko'maklashish maqsadida, Bank Kuzatuv kengashi vakolatlari doirasida Qo'mitaga quyidagi huquqlar beriladi:

- Bankdagi korrupsiyaga qarshi kurashish va etika masalarini tahlil qilish hamda Bank Kuzatuv kengashiga o'z tavsiyalarini kiritish;
- Bank Kuzatuv kengashining boshqa aloqador qo'mitalari bilan hamkorlikda Bankning ichki nazorat va komplayens-nazorat funksiyasini rivojlantirish, ushbu sohadagi faoliyat natijalarini tahlil qilishda ko'maklashish;
- Bank xavfsizligini ta'minlash funksiyasini rivojlantirishda ko'maklashish, ushbu sohadagi faoliyat natijalarini tahlil qilish;
- Bankning ichki nazorat va komplayens-nazorat tizimining muvofiqligi va samaradorligini tahlil qilish;
- Umumiy, moliyaviy, huquqiy, monopoliyaga qarshi kurashish komplayens va etika masalalariga oid hisobotlarni ko'rib chiqish va Bankning ushbu sohalardagi faoliyatlarini baholash;
- Bank va uning tarkibidagi korxonalarda firibgarlik, pora olish va amaldagi qonunchilikni jiddiy buzish holatlarini ko'rib chiqish;
- Bank ahloq kodeksi talablariga rioya etilishini nazorat qilish;
- Bankning ichki nazorat va komplayens nazorat xizmati tomonidan aniqlangan qoidabuzarliklarni bartaraf etish bo'yicha chora-tadbirlarni ko'rib chiqish va uning bajarilishini nazorat qilish;
- Bank va uning tarkibidagi korxonalarda korrupsiyaga qarshi tizimning ishlashiga ko'maklashish;
- amaldagi korrupsiyaga qarshi qonun hujjatlariga muvofiq chora-tadbirlar rejalarini ishlab chiqish va dastlabki kelishishda ishtirok etish;
- Bank Kuzatuv kengashining topshirig'iga binoan Bankdagi rahbar lavozimlariga nomzodlarni tayinlashda ularning ishonchligini dastlabki tekshirishda ishtirok etish;
- Bank faoliyati samaradorligining muhim ko'rsatkichlarini (KPI) ko'rsatkichlarini kelishishda qatnashish;
- korrupsiyaga qarshi kurashish bo'yicha umumiy siyosatni ishlab chiqish va amalga oshirishda Bank Kuzatuv kengashiga tavsiyalar berish;
- korrupsiyaga qarshi kurashish bo'yicha xalqaro standartlarni joriy etishda Bank Kuzatuv kengashiga ko'maklashish.

IV. Qo'mitaning huquq va majburiyatlari

4.1 Qo'mita a'zolari huquqlari:

- Bank Kuzatuv kengashining qarorlari va ko'rsatmalarining bajarilishini nazorat qilish va tekshirish;
- Bank Boshqaruv a'zolari va tarkibiy bo'linmalari rahbarlaridan o'z faoliyatini amalga oshirish uchun zarur bo'lgan ma'lumotlarni so'rash va olish.

- Qo'mita byudjeti doirasida tashqi ekspertlar va maslahatchilar xizmatidan foydalanish;

- Qo'mita majlislariga ushbu Nizomga muvofiq uchinchi shaxslarni taklif qilish;

- Bank Kuzatuv kengashi muhokamasiga ushbu Nizomga o'zgartirish va qo'shimchalar kiritish bo'yicha takliflar kiritish;

- Qo'mita vakolatlarini bajarishi uchun zarur bo'lgan boshqa huquqlarni amalga oshirish.

4.2 Qo'mita a'zolari majburiyatlari:

- Qo'mita ishida qatnashish va uning muntazam ravishda o'tkaziladigan barcha yig'ilishlarida ishtirok etish;

- korrupsiyaga qarshi kurashish va etika sohasidagi va Bank taraqqiyoti uchun strategik ahamiyatga ega bo'lgan boshqa sohalardagi yutuqlarni kuzatib borish;

- rasmiy vazifalarini bajarish chog'ida ularga ma'lum bo'ladigan barcha ma'lumotlarning maxfiyligiga rioya qilish;

- Bank Kuzatuv kengashiga mustaqil a'zo maqomidagi har qanday o'zgarishlar to'g'risida yoki Qo'mita tomonidan qabul qilinadigan qarorlar bilan bog'liq manfaatlar to'qnashuvi yuzaga kelishi to'g'risida axborot berish.

V. Qo'mita tarkibi va uni shakllantirish tartibi

5.1 Qo'mitaning miqdoriy tarkibi kamida 3 ta a'zodan iborat bo'lib, ularning kamida bittasi, qoida tariqasida Kuzatuv kengashining mustaqil a'zosi hisoblanadi.

5.2 Qo'mitaning shaxsiy tarkibi Bank Kuzatuv kengashi tomonidan o'z tarkibidan saylanadi. Qo'mita a'zolarini saylashda ularning olgan ta'limi, kasbiy tayyorgarligi, Qo'mita faoliyati sohasidagi tajribasi va Qo'mita a'zolari o'z vazifalarini bajarishi uchun zarur bo'lgan boshqa maxsus bilimlari e'tiborga olinishi lozim. Qo'mita a'zolarini saylash to'g'risidagi qaror Bank Kuzatuv Kengashi a'zolarining umumiy sonining oddiy ko'pchilik ovozi bilan qabul qilinadi.

5.3 Qo'mita a'zolari cheklanmagan marotaba saylanishi mumkin.

5.4 Qo'mita a'zolarining vakolat muddatlari Kuzatuv kengashi a'zolari sifatida o'z vakolatlari muddatlariga to'g'ri keladi. Qo'mita a'zolarining vakolatlari Kuzatuv kengashi yangi tarkibda saylangan kundan boshlab to'xtatiladi. Qo'mitaning har qanday a'zosining (barcha a'zolarining) vakolatlari Kuzatuv kengashi qarori bilan muddatidan oldin bekor qilinishi mumkin.

Qo'mita tarkibidagi o'zgarishlar Kuzatuv kengashi tomonidan istalgan vaqtda amalga oshirilishi mumkin.

5.5 Qo'mita a'zolari Kuzatuv kengashi raisi nomiga ariza va bir vaqtning o'zida Qo'mita raisiga bildirishnoma yuborish orqali iste'foga chiqishlari mumkin.

5.6 Qo'mita a'zosining vakolatlari o'z xohishiga ko'ra iste'foga chiqqan bo'lsa, Bank Kuzatuv kengashi keyingi yig'ilishida, lekin Qo'mita a'zosini o'z vakolatlaridan iste'foga chiqishi to'g'risida ariza bergan sanadan 1 (bir) oydan kechiktirmay, Qo'mitaning yangi a'zosi saylanadi, bunga qadar Qo'mita a'zosi o'z vazifalarini to'liq bajarishda davom etadi.

5.7 Qo'mita a'zosining vakolatlari Kuzatuv kengashi tomonidan bekor qilinsa, vakolatlar bekor qilinganidan so'ng 2 (ikki) hafta ichida Qo'mitaning yangi a'zosi saylanadi.

5.8 Qo'mitaning yangi a'zosi saylanganidan so'ng, Qo'mita raisi 1 (hafta)

ichida Qo'mitasining yangi a'zosi bilan uchrashadi va uni Qo'mita vakolatlari va ishlari bilan tanishtiradi.

5.9 Qo'mita a'zolariga Kuzatuv kengashi tomonidan tavsiya etilgan, hamda Bank aksiyadorlari umumiy yig'ilishida ma'qullangan miqdor va tartiblarda haq to'lanadi va/yoki o'z vazifalarini bajarish bilan bog'liq xarajatlar qoplanadi.

5.10 Qo'mita raisi Bank Kuzatuv Kengashi tomonidan tayinlanadi va Qo'mita ishini tashkil etadi.

5.11 Qo'mita raisi:

- Qo'mita faoliyatini tashkillashtiradi;
- Qo'mita yig'ilishlarini chaqiradi va ularga raislik qiladi va yig'ilish bayonnomasini yuritishni tashkil etadi;
- Qo'mita a'zolari o'rtasida burchlarni taqsimlaydi;
- Kuzatuv kengashi majlislari rejasini hisobga olgan holda joriy davr uchun ish rejasini ishlab chiqadi;
- Qo'mita faoliyati to'g'risida Kuzatuv kengashi oldida hisobot beradi;
- Bankning ichki hujjatlari va ushbu Nizomda nazarda tutilgan boshqa harakatlarni amalga oshiradi.

5.12 Qo'mita raisi Qo'mita tavsiyalarini o'z vaqtida Kuzatuv kengashi a'zolari e'tiboriga yetkazish, shuningdek, berilgan tavsiyalar bajarilishi ustidan monitoringini olib borishga javobgardir.

5.13 Qo'mita raisi vaqtincha yo'q bo'lganda uning vazifalari Qo'mita a'zolaridan biri tomonidan amalga oshiriladi.

5.14 Qo'mita ishini tashkil etish uchun Bank Kuzatuv kengashi Bank xodimlari orasidan yoki Qo'mita a'zolari orasidan Qo'mita kotibini tayinlaydi.

5.15 Agar Bank Kuzatuv kengashi Qo'mita kotibini tayinlash to'g'risida qaror qabul qilmagan bo'lsa yoki ilgari tayinlangan kotib biron sababga ko'ra o'z vazifalarini bajara olmasa, Qo'mita raisi Bankning xodimlari orasidan yoki Qo'mita boshqa a'zolari orasidan kotibni tayinlaydi.

5.16 Qo'mita kotibi:

- Qo'mitaning yig'ilishi bayonnomalarini yuritadi va tuzadi;
- Qo'mita yig'ilishlariga tayyorgarlikni (yig'ilish uchun materiallarni yig'adi va tizimlashtiradi, Qo'mita a'zolari va taklif etilgan shaxslarga Qo'mita yig'ilishini o'tkazish to'g'risida xabarnomani o'z vaqtida yuboradi, yig'ilish kun tartibini, kun tartibiga kiritilgan masalalar bo'yicha ma'lumotlarni tayyorlaydi, Qo'mita qarorlari loyihalarini tayyorlaydi, shuningdek barcha tegishli materiallar saqlanishini ta'minlaydi) amalga oshiradi;
- Qo'mita faoliyatini tashkiliy va axborot bilan qo'llab-quvvatlashni, Qo'mita a'zolarining Kuzatuv kengashi va Bank mansabdor shaxslari bilan o'zaro hamkorligi va tezkor ishlashini ta'minlaydi.

VI. Qo'mita majlislarini o'tkazish shartlari va tartibi

6.1 Qo'mita majlislari Qo'mita tomonidan tasdiqlangan rejaga muvofiq, lekin Qo'mita a'zolarining vakolat muddati davomida kamida 4 (to'rt) ta yig'ilish o'tkaziladi. Qo'shimcha yig'ilishlar kerak bo'lganda chaqirilishi mumkin.

6.2 Qo'mita majlislari Qo'mita a'zolarining birgalikda ishtirok etishi yoki sirtqi ovoz berish shaklida o'tkaziladi. Qo'mita faqat Qo'mita a'zolarining birgalikdagi ishtiroki shaklida ko'rib chiqilishi kerak bo'lgan masalalar ro'yxatini tasdiqlashi mumkin. Ushbu qaror Qo'mitaning barcha amaldagi a'zolari

tomonidan bir ovozdan qabul qilinadi.

6.3 Qo'mita yig'ilishlari Qo'mita raisi tomonidan uning tashabbusi bilan, Qo'mita a'zosining talabiga binoan yoki Bank Kuzatuv kengashi qarori bilan chaqiriladi. Qo'mita raisi bilan kelishilgan holda Qo'mita kotibi Bank Boshqaruv a'zolari iltimosiga binoan Qo'mita yig'ilishini chaqirishi mumkin. Qo'mitaning navbatdan tashqari yig'ilishini chaqirish talabi bo'lgan taqdirda, Qo'mita raisi 5 (besh) ish kuni mobaynida Qo'mitaning navbatdan tashqari yig'ilishini chaqirishi shart.

Qo'mita yig'ilishida ishtirok etuvchi barcha a'zolar tomonidan imzolangan bayonnoma bilan rasmiylashtiriladi.

6.4 Qo'mita yig'ilishlariga tayyorgarlik Qo'mita raisi nazorati ostida Qo'mita kotibi tomonidan amalga oshiriladi. Qo'mita kotibi Qo'mita a'zolari zarur ma'lumotlarni olishlarini ta'minlaydi va Qo'mitaning barcha a'zolariga yig'ilish vaqti va joyini, shuningdek kun tartibidagi har bir masala uchun barcha zarur materiallarni ilova qilgan holda yig'ilish kunidan 5 (besh) ish kunidan kechiktirmasdan dastlabki xabarnomani yuboradi. Xabarnoma Qo'mita a'zolari uchun qulay bo'lgan har qanday shaklda amalga oshiriladi: telefon, faks, odatiy yoki elektron pochta orqali.

6.5 Qo'mita yig'ilishining kvorumi uning miqdoriy tarkibining 2/3 qismini tashkil etadi.

6.6 Masalalarni hal qilishda Qo'mitaning har bir a'zosi bir ovozga ega. Qo'mita a'zosi tomonidan boshqa shaxslarga, shu jumladan Qo'mitaning boshqa a'zolariga ovoz berish huquqini berilishiga yo'l qo'yilmaydi.

Qo'mitaning qarorlari yig'ilishda ishtirok etuvchi a'zolarining oddiy ko'pchilik ovozi bilan qabul qilinadi, ushbu Nizomda nazarda tutilgan hollar bundan mustasno.

6.7 Qo'mita a'zolarining ovozlari teng bo'lgan taqdirda, yig'ilishda raislik qiluvchi Qo'mita a'zosining ovozi hal qiluvchi ahamiyatga ega.

6.8 Qo'mita a'zosi yig'ilishda ishtirok eta olmasa, u muhokama qilinayotgan masala yuzasidan o'z fikrini yozma shaklda yoki Bankda umume'tirof etilgan elektron hujjat aylanish tizimi orqali yuborish huquqiga ega. Mazkur fikr Qo'mita yig'ilishida ko'rib chiqiladi va yig'ilish bayonnomasiga qo'shib qo'yiladi.

6.9 Qo'mita tomonidan ko'rib chiqilayotgan masalalarning o'ziga xos xususiyatlarini hisobga olgan holda, Qo'mita a'zosi bo'lmagan shaxslar Qo'mita majlislarida faqat Qo'mita qarori bilan yoki uning raisi taklifiga binoan ishtirok etadi.

Qo'mita yig'ilishlarida Kuzatuv kengashi va Bank Boshqaruv a'zolari va boshqa mansabdor shaxslari (xodimlari) ishtirok etishi mumkin. Zarurat bo'lsa, Qo'mitaning ishiga uchinchi tomon mutaxassislari va maslahatchilari vaqtinchalik yoki doimiy ravishda jalb qilinishi mumkin.

Taklif etilgan shaxslar Qo'mita vakolati masalalari bo'yicha qarorlar qabul qilishda Qo'mita yig'ilishining kun tartibi masalalari bo'yicha ovoz berish huquqiga ega emas.

VII. Bank organlari va boshqa shaxslar bilan o'zaro hamkorlik

7.1 Qo'mita a'zolari ishini samarali tashkil qilish uchun zarur ma'lumotlardan foydalanish imkoniyatiga ega bo'lishi kerak, buning uchun, Bank ijroiya organlari a'zolari, Bank Kuzatuv kengashi kotibi, Bank tarkibiy bo'linmalari

rahbarlari, shuningdek Bankning boshqa xodimlari, Qo'mita iltimosiga ko'ra, tegishli vaqt ichida va tartibda Qo'mita faoliyati bo'yicha to'liq va ishonchli ma'lumot va hujjatlarni taqdim etishi shart.

Axborot va hujjatlarni taqdim etish to'g'risidagi so'rov Qo'mita raisi tomonidan imzolangan yozma shaklda amalga oshiriladi.

So'ralgan ma'lumotlar va hujjatlar Qo'mita kotibi orqali Qo'mitaga taqdim etiladi.

7.2 Zarur hollarda Qo'mita faoliyati subyektining ayrim masalalarini ko'rib chiqish uchun Qo'mita ishiga zarur kasbiy bilimga ega bo'lgan mutaxassislar va ekspertlar jalb etilishi mumkin. Qo'mita ishiga ekspert va mutaxassislarni jalb etish tartibi va shartlari Bankning bunday shaxslar bilan tuzgan shartnomasida belgilab qo'yiladi.

VIII. Qo'mita byudjeti.

8.1 Qo'mita faoliyatini ta'minlash maqsadida tegishli davr uchun Bank umumiy byudjetining harajatlar qismini shakllantirishda maslahatchilarni jalb etish va ularning xizmatlariga haq to'lash bo'yicha potensial zaruratni hisobga olgan holda Qo'mita harajatlarning alohida moddasi taqdim etilishi mumkin, uning miqdori Bank Kuzatuv kengashi tomonidan tasdiqlanadi.

8.2 Bunday zarurat tug'ilgan taqdirda, Qo'mitaning keyingi yil uchun byudjeti miqdori bo'yicha takliflar Bankning umumiy byudjetini shakllantirish chora-tadbirlari doirasida o'tgan yilning 4-choragida Kuzatuv kengashiga ko'rib chiqishi uchun kiritiladi.

8.3 Maslahatchilarni ishga jalb etish va ularning xizmatlariga haq to'lash Qo'mita byudjetida nazarda tutilmagan qo'shimcha mablag'lar hisobidan Bank boshqaruv raisi tomonidan Kuzatuv kengashining alohida qarori bilan tashkil etiladi. Mazkur masalani Kuzatuv kengashi ko'rib chiqishiga kiritish Qo'mita raisi tashabbusi bilan amalga oshiriladi.

8.4 Kuzatuv kengashining qarori bilan tegishli yil oxirida Qo'mita raisi Kuzatuv kengashiga ko'rsatilayotgan xizmatlarning batafsil tavsifi hamda xulosalar va tavsiyalar ilovasi bilan maslahatchilarni jalb qilish uchun mablag'larning sarflanishi to'g'risidagi maslahatchilar tomonidan tayorlangan hisobotni taqdim etadi.

8.5 Aksiyadorlarning umumiy yig'ilishining qarori bilan hamda amaldagi me'yoriy hujjatlarga muvofiq Bank Kuzatuv kengashi a'zolariga, Raisga, Qo'mita a'zolariga va Qo'mita kotibiga haq va kompensatsiya to'lash tartibga soluvchi amaldagi me'yoriy hujjatga muvofiq ular o'z vazifalarini bajargan davrda, Qo'mita a'zolarining funksiyalarini bajarganliklari uchun haq to'lanadi.

IX. Bank boshqaruv organlari va boshqa tarkibiy bo'linmalar bilan aloqadorligi

9.1 Qo'mita a'zolarining samarali faoliyatini ta'minlash uchun zarur bo'lgan ma'lumotlar va hujjatlar Qo'mita kotibi orqali taqdim etiladi. Axborot va hujjatlarni taqdim etish talabi yozma shaklda Qo'mita raisi tomonidan imzolanadi.

9.2 Zarur hollarda Qo'mita ishiga Qo'mita vakolatiga kiruvchi ayrim masalalarni ko'rib chiqish uchun zarur kasbiy bilimga ega bo'lgan ekspertlar va mutaxassislar jalb etilishi mumkin. Qo'mita ishiga ekspertlar va mutaxassislarni jalb qilish tartibi va shartlari Bank tomonidan bunday shaxslar bilan tuzilgan shartnomada belgilanadi.

X. Ma'lumotlarning maxfiyligi

10.1 Qo'mita a'zolari va kotibi Qo'mita faoliyati davomida ularga ma'lum bo'lgan insayder va boshqa maxfiy ma'lumotlarni oshkor qilishga haqli emas va ularni oshkor etilishi bo'yicha shaxsan javobgar bo'ladi. Bank insayderi yoki Bank oldida maxfiylik majburiyatlari bilan bog'liq bo'lmagan Qo'mita yig'ilishlarida ishtirok etadigan uchinchi shaxslar oldindan Bank bilan insayderlik va boshqa maxfiy ma'lumotlarni oshkor qilmaslik to'g'risidagi bitimni imzolashlari shart.

XI. Qo'mita a'zolarining javobgarligi

11.1 Qo'mita a'zolari O'zbekiston Respublikasining amaldagi qonunchiligida Kuzatuv kengashi a'zolarining javobgarligini tartibga soluvchi normalarga muvofiq javobgar bo'ladilar.

XII. Yakuniy qoidalar

12.1 Ushbu Nizom Bank Kuzatuv kengashi tomonidan tasdiqlangan kundan boshlab kuchga kiradi.

12.2 Ushbu Nizom, shuningdek unga kiritilgan barcha qo'shimcha va o'zgartishlar Bank Kuzatuv kengashi a'zolari umumiy sonining ko'pchilik ovozi bilan Bank Kuzatuv Kengashi tomonidan tasdiqlanadi.

12.3 Agar ushbu Nizomdagi qoidalaridan biri o'z kuchini yo'qotgan bo'lsa, bu Nizomdagi boshqa qoidalarni to'xtatishga sabab bo'lmaydi.

12.4 Ushbu Nizomda tartibga solinmagan barcha masalalar Bank Ustavi, "Bank Kuzatuv Kengashi to'g'risida"gi Nizom va Bankning boshqa ichki qoidalari va amaldagi qonunchilik bilan tartibga solinadi.

12.5 Agar O'zbekiston Respublikasining amaldagi qonun hujjatlari yoki Bank ustavi bilan ushbu Nizomda nazarda tutilganidan boshqacha qoidalar belgilangan bo'lsa, O'zbekiston Respublikasining amaldagi qonun hujjatlari va Bank ustavi qoidalari qo'llaniladi.

Ekspert guruh rahbari:

Boshqaruv Raisining birinchi o'rinbosari



A.T. Tashev

Ekspert guruh a'zolari:

Boshqaruv Raisi o'rinbosari



S.T. Kaldibayev

Boshqaruv Raisi o'rinbosari



D.A. Rustomov

Boshqaruv Raisi o'rinbosari

Dj.A. Tashkulov

**Moliya masalalari direktori
(CFO-Cheif Financial Officer)**



T.X. Axmedov

Risk masalalari direktori (CRO)



Sh. Ye. Bozorov

**Xodimlar bilan ishlash
departamenti direktori**

Sh. Ibragimova

**Muammoli aktivlar bilan
ishlash departament
direktori v.v.b.
Bank apparati rahbari**

Sh. N. Ko'makov

Sh. M. Xamrayev

**Komplayens nazorat
departamenti (Komplayens -
kontroler CCO) direktori**

J. B. Azimov

**Ichki audit departamenti
direktori-bosh auditor**

U. I. Tangirov

**Loyihalarni boshqarish
ofisi rahbari**

F. A. Ismailov

**Mijozlar servisi va marketing
departamenti direktori**

F. A. Ruzikulova

**Xavfsizlik departamenti
direktori**

N. I. Tangniberdiyev

**Monitoring va nazorat
departamenti (middle officye)
direktori**

D. G. G'ayratov

**Korporativ biznes
departamenti direktori v.v.b.**

A. A. Muazzamov

**Chakana biznes departamenti
direktori
Bank yuridik xizmati boshlig'i**

S. O. Safarov

A. X. Xalyigitov

**Moliya bozorlaridagi
operatsiyalar departamenti
direktori**

I. Z. Qutbiddinov

**Ma'muriy xo'jalik boshqarmasi
boshlig'i**

A. A. Shaqqulov

“Turonbank” ATB kuzatuv kengashi huzuridagi korrupsiyaga qarshi kurashish va etika qo‘mitasi to‘g‘risidagi nizomi yuzasidan huquqiy ekspertiza

X U L O S A S I

2022-yil 08-sentyabr

Toshkent shahri.

O‘zbekiston Respublikasi Prezidentining 2017-yil 19-yanvardagi 2733-sonli qarori bilan tasdiqlangan “Davlat organlari va tashkilotlarining yuridik xizmat to‘g‘risida”gi Nizomga hamda O‘zbekiston Respublikasi Adliya vazirligi tomonidan 2000-yil 5-aprelda №916-son bilan ro‘yxatga olingan “Markaziy bank tomonidan tijorat banklarining ichki me‘yoriy hujjatlariga qo‘yiladigan talablar to‘g‘risida”gi Nizomning 3.1. bandiga asosan “Turonbank” ATB kuzatuv kengashi huzuridagi korrupsiyaga qarshi kurashish va etika qo‘mitasi to‘g‘risidagi nizomi huquqiy ekspertizadan o‘tkazilganda quyidagilar

A N I Q L A N D I:

Mazkur Nizom “Aksiyadorlik Banklari va aksiyadorlarning xuquqlarini himoya qilish to‘g‘risida”gi O‘zbekiston Respublikasining Qonuniga, O‘zbekiston Respublikasi Prezidentining “Tadbirkorlik muhitini yaxshilash va xususiy sektorni rivojlantirish orqali barqaror iqtisodiy o‘sish uchun shart-sharoitlar yaratish borasidagi navbatdagi islohotlar to‘g‘risida”gi 2022-yil 8-apreldagi PF-101-son Farmoniga, Vazirlar Mahkamasining “2021-2025-yillarda davlat ishtirokidagi korxonalarni boshqarish va isloh qilish strategiyasini tasdiqlash to‘g‘risida”gi 2021-yil 29-martdagi 166-son qarorining 1-ilovasi bilan tasdiqlangan “2021 - 2025-yillarda davlat ishtirokidagi korxonalarni boshqarish va isloh qilish strategiyasiga, “Turonbank” aksiyadorlik tijorat banki ustaviga, Korporativ boshqaruv kodeksiga, Kuzatuv kengashi to‘g‘risidagi Nizomga va boshqa normativ-huquqiy hujjatlarga muvofiq ishlab chiqilgan bo‘lib, Bank Kuzatuv kengashi huzuridagi Korrupsiyaga qarshi kurashish va etika qo‘mitasining huquqiy maqomini, tarkibini, vakolatlarini va uning ishlash tartibini belgilaydi.

Qo‘mita bank va Bank aksiyadorlari manfaatlarini ko‘zlab ish olib boradi, xususan, Komplayens-nazorat xizmati - korrupsiyaga qarshi ichki nazorat tizimi va etika masalalarini to‘g‘ri tashkil etishda hamda ushbu sohalarda halqaro sifat nazorati standartlarini joriy etishda Kuzatuv kengashi vakolatlari doirasida amaliy yordam ko‘rsatishligi.

Qo‘mita Bank Kuzatuv kengashiga to‘liq hisobdordir va mazkur Nizomga muvofiq Bank Kuzatuv kengashi tomonidan unga beriladigan vakolatlar doirasida ish olib boradi. Qo‘mita qarorlari Bank Kuzatuv kengashi uchun tavsiyaviy xarakterga ega bo‘lishligi.

Qo‘mita o‘z faoliyatida O‘zbekiston Respublikasi Qonunchiligiga, Bank Ustaviga, Bank Kuzatuv kengashi to‘g‘risidagi Nizomga, Bank Kuzatuv kengashi qarorlariga, mazkur Nizomga va boshqa ichki hujjatlarga amal qilishligi.

Qo‘mita faoliyatini moliyalashtirish Bank mablag‘lari hisobidan Kuzatuv kengashi bilan kelishilgan holda amalga oshiriladi. Zarur hollarda, Qo‘mita harajatlar smetasini

2957/111 va xalqiy
tuzadi va u Kuzatuv kengashi tomonidan tasdiqlanishligi.

Nizomda belgilanmagan atamalar amaldagi Bank Ustavida va Bank Kuzatuv kengashi to'g'risidagi Nizomga, Bankning boshqa ichki me'yoriy hujjatlarida keltirilgan ma'noda foydalanilishligi belgilangan.

Nizom umumiy qoidalar, Qo'mitaning maqsad va vazifalari, Qo'mita vakolatlari, Qo'mitaning huquq va majburiyatlari, Qo'mita tarkibi va uni shakllantirish tartibi, Qo'mita majlislarini o'tkazish shartlari va tartibi, Bank organlari va boshqa shaxslar bilan o'zaro hamkorlik, Qo'mita byudjeti, Bank boshqaruv organlari va boshqa tarkibiy bo'linmalar bilan aloqadorligi, Ma'lumotlarning maxfiyligi, Qo'mita a'zolarining javobgarligi, Yakuniy qoidalar boblaridan iborat.

Ushbu "Nizom" qonunchilik texnikasi talablariga to'liq javob beradi.

Yuqoridagilarga binoan, "Nizom"ni huquqiy ekspertizadan o'tkazish natijalari bo'yicha

X U L O S A Q I L I N D I :

"Turonbank" ATB kuzatuv kengashi huzuridagi korrupsiyaga qarshi kurashish va etika qo'mitasi to'g'risidagi nizomga kiritilayotgan o'zgartirish qonun hujjatlari asosida ishlab chiqilganligi va qonunchilik texnikasi talablariga muvofiqligi qayd etilsin.

Bank yuridik xizmati yuristi



A.A.Abdiraxmonov